

華東民俗文獻 第十六卷

中國華東文獻叢書



中國華東文獻叢書·第四輯

華東民俗文獻

第十六卷

甘肅省古籍文獻整理編譯中心
中國華東文獻叢書編輯委員會
編

甘肅省古籍文獻整理編譯中心重大整理項目

本輯主編：田兆元

本輯副主編：吳平 李善強

參加編輯人員：雷偉平 楊茜 吳麗麗 馬佳

王菲 劉捷 姜南 陳文軍

饒曉敏 楊曼 錢婷婷

本卷目錄

皖游便覽	〔清〕周葆元撰		〇〇三
歙縣金石志	〔清〕葉爲銘輯		〇七五

【清】周葆元撰

皖游便覽

〔清〕周葆元，籍貫、生卒年不詳，於道光年間寫此書。本書仿郡縣志、風土記體例，輔之以圖，介紹地形、疆域、兵制、職官、險要等，並介紹民俗風情。本書版本爲公元一八四一年綫普刊本。

皖游便覽一冊周淳甫大令作淳甫舊於鄉里著江防海防
及保衛各論予既見而叙之矣嗣以大挑需次皖江干役詣
郡邑所至必攷其土俗苦於省志郡邑志之繁重於舟輿攜
持不便因仿郡縣志風土記著此冊弁之以圖使全省瞭如
指掌次則郡以爲經縣以爲緯審其疆域明界址也核其道
里利經行也考其風俗便化導也述其賦役著章程也兼引
古今事實紀沿革也詳擷險要謹係尉也其事詳且備其書
簡而易明便於舟輿吾知此書成凡官斯土者必當人置一
冊天下有心人皆將仿其體例省爲一冊矣書既成淳甫以
臚予因書數言於簡端道光丙午秋七月馬沅識

敘


原
稿
缺

孫元以甲辰冬十一月杪需次至皖十二月奉差廬鳳道出
定遠遂由滁州至浦口渡江歸省老母乙巳三月復來皖
垣四月奉差桐城五月望差旋十九日得老母感冒信次
日還歸侍疾至八月奉諱計在皖不及十旬於通省山川制
置物土人情概無所知深自惶懼丙午三月史穎生刺史時
方宰桐招襄筆墨因就諮訪暇輒縱觀通志以求其大概廣
購各地圖以求其形勢七月返里復取江南舊志及方輿勝
覽紀要等書並獲抄錢漕額冊博稽詳核隨筆采錄亟苦紛
繁丁未春穎生升毫牧去代桐者為唐魯臬令君復留假館
史與商訂並於兩公幕中諸友及往來使客各就所經歷者

敘

逐事參考始得刪繁就簡妄成是編自知見聞淺陋訛誤必
多而業師 湘帆夫子及穎生魯泉以為便於檢閱勸令付
梓或可就政 高明藉得改正正是固私心所切望者云時道
光丁未夏五月江寧周葆元自識於桐城縣署之西廡

安徽通省地圖



圖說

皇朝內府輿圖以天度經緯分畫天上一度當地上二百里陽湖董方立先生四十一分圖依之李申耆先生作總圖依靈臺儀象志實測通南北畫為每方百里以取計里之便而以虛線存天度之經度使測天者仍可依其緯度則每度分為二以應地上百里茲準其制計安徽全省南北九方有奇東西六方有奇中則省城府城回直隸州回州山口縣等疆域以山水各以其大者篇幅殊狹亦惟其便覽云道光丁未江寧周葆元識

皖游紀畧

凡例

一地之有畧所以辨山川審形勢別方位定土宜關繫至鉅
案江南舊志安徽通志前皆有圖茲更求 大清會典圖
說及李申耆先生大小輿圖考以分棼度數界以名山大
川增以各路水道與夫今昔歸併移徙之不同者開方詳
審務求不泥乎古而確合乎今弁於篇首庶幾隨所至可
以展閱

一疆域四至八到俱應詳列茲於各州縣稍為通變如懷寧
北至桐城東北亦至桐城則併載東北界以求簡約